

ডেস্ক রিপোর্ট | রাজনীতি | 16 April, 2025

বাংলাদেশ জাতীয়তাবাদী দলের (বিএনপি) ভারপ্রাপ্ত চেয়ারম্যান তারেক রহমানের শেয়ার করা তিনটি ছবি সোশ্যাল মিডিয়ায় ঘুরপাক খাচ্ছে।

ছবিগুলোতে দেখা যাচ্ছে, তিনি একটি বিড়ালকে মোবাইলে কিছু দেখাচ্ছেন, আর বিড়ালটি গভীর মনোযোগে তা পর্যবেক্ষণ করছে।

বুধবার তারেক রহমান নিজেই ফেসবুকে এই ছবিগুলো শেয়ার করেছেন, যা পরবর্তীতে বিএনপির মিডিয়া সেলের ফেসবুক পেজেও প্রকাশিত হয়। পোস্টে ক্যাপশন দেওয়া হয়— ‘লিডার’।

ছবিগুলো পোস্টের পরপরই মুহূর্তেই মধ্যে ভাইরাল হয়ে যায়। হাজার হাজার নেটিজেনরা ছবিগুলো শেয়ার করে নিজেদের অনুভূতি প্রকাশ করেন। কেউ লিখেন, ‘প্রিয় লিডার’, কেউ আবার ‘আগামীর প্রাণিবান্ধব বাংলাদেশ!’ বলে উচ্ছ্বাস প্রকাশ করেন। অনেকেই হৃদয় ছুঁয়ে যাওয়া এই মুহূর্তটি লাভ ইমোজি দিয়ে শেয়ার করে বন্ধুত্বপূর্ণ সম্পর্কের প্রতি সমর্থন জানান।

কমেন্ট সেকশন ভরে যায় প্রশংসায়— ‘আমাদের নেতা, আমাদের অহংকার’, ‘মাশাআল্লাহ, প্রিয় অভিভাবক’, ‘আপনার জন্য দোয়া করি’— এমন অসংখ্য মন্তব্য করতে দেখা গেছে।

আলতাফ হোসেন নামের একজন লেখেন, ‘বিড়াল যে ভালোবাসে, নিঃসন্দেহে সে ভালো মানুষ!’

মেহেদী হাসান লেখেন, ‘আপনার হাত ধরেই এগিয়ে যাক বাংলাদেশ’।

তারেক রহমান বিড়াল বিএনপি